

Akugu 'Ba Pɔlo Zi Kanisa Ma EPESO

¹ Ma Pɔlo, ma ame Bɔko'ba kigeli ma 'deni gɔ ako'dɔkɔ abo rɔ bɔ laja 'ba Yɛsu Kurisitɔ ne, mɛdɪ mugu waraga nime ziye kpe bilaka 'ba Bɔko'ba ame ga mɪ Epeso ne, kpe ame ki'dike dɔye 'deni gɔ lende 'ba Yɛsu Kurisitɔ ne.

² Lende kɛyɪ ti yɛyɪ 'ba Bɔko'ba 'bu ze ti 'ba Yɛsu Kurisitɔ ɲere ze koloma kɔtɔ tiye.

Yɛyɪ Ti Nyɪ Kɔtɔ Laka

³ Dilekike yɛɛ'dɪ zi bo Bɔko'ba 'bu 'ba Yɛsu Kurisitɔ ɲere ze ame bo na gbɪ rɔ Bɔko'ba ɲere abo ne. Bo Bɔko'ba na ko'dɔ yɛyɪ 'deni zize ti wa pili 'ba mɪtɔrɔ ti Nyɪ Kɔtɔ Laka gɔ tɛdɪ ze rɔ akɔtɔ ti Kurisitɔ.

⁴ Gba kinza ko'ba dɔliɲɔ nime dɛ Bɔko'ba igeli ze 'deni mɔlo rɔ 'ba bo rɔ akɔtɔ ti Yɛsu Kurisitɔ gɔ dɛdɪke ɲgɪ lipo kɔzɔ 'ba bo kinza a ma kɛnyɛ mɔtɔ mize kɔmɔ bo. Ti ako'ɔ abo gɔze na me

⁵ bo koja Yɛsu Kurisitɔ 'deni kako dɔliɲɔ bine to'de ze rɔ kole abo ga. Ame na rɔ ako'dɔkɔ abo ma kalo mɪ dɔkɪ'dɪ bo.

⁶ Dɪlɛluke bo ti gɔ lende kɛyɪ lɔbu abo nime bo ko'dɔ zize ze ma 'deni rɔ akɔtɔ ti kole abo ame bo kɔ'ɔ kulɔwɔ ne.

⁷ Rɔmɔyɪ roma Kurisitɔ na kope ze 'deni rɔ dɔ ɲgɔlɔ tola ze gɔ lende kɛnyɛ ze ga. Lende kɛyɪ nime bo ko'dɔ zize ne ɲgɪ rɔ dɔ kiteli.

⁸ Ti akikali dɔ kiteli abo

⁹ bo i'di ze 'deni tikali wa ame ga pa rɔ ma kusu, bo kiteri zi Kurisitö to'do mo ne.

¹⁰ Akiteri abo nime kada mo ɔdo kömö 'deni na Kurisitö ti kuyi wa pili 'ba mitoro ni ma ti doyyayi ngi yaga rɔ akoto ti bo go bo na kedii rɔ bo domo.

¹¹ Wa pili edii ko'do rönni go akiteri abo 'ba Boko'ba. Bo na kiteri abo 'deni molo zize go dedii rɔ bilaka abo ga rɔ akoto ti Kurisitö. Kina me le'jete bo koza ze 'deni rɔ 'ba bo ga,

¹² go ze ma rɔ dɔndende 'ba ti'di do go tako 'ba Kurisitö mo tönë ga dilëlu rɔ löbu abo ti.

¹³ Kina kpe 'deni gbi tara rɔ akoto ti Kurisitö römöyï uwöke laja laka 'ba Boko'ba ame bo komo ye di mi tolë ne 'deni. I'dike doye gomo na me Boko'ba ki'di Nyi Koto Laka 'deni ziye kozo ma bo kiya molo go kileme ye rɔ 'ba bo ga.

¹⁴ Nyi Koto Laka na ki'di ze ame 'deni rɔ 'ba Boko'ba ne tikali mo ti do'jake wa pili ame kose zize ne ngi kina gbi ti kope ze rɔ do ngölö. Kina dilëluke rɔ löbu abo ti.

Mötu 'Ba Polo

¹⁵ Kina me molo tönë muwö ki'dike doye 'deni go lende 'ba nere ze Yësu keddii ko'oke bilaka 'ba Boko'ba 'deni gbi pili ne

¹⁶ ma bine molo'bo de di bi tileki yeë'di zi Boko'ba go lende 'be.

¹⁷ Mi mötu ma pili mititi bo Boko'ba 'ba Yësu Kurisitö nere ze, 'bu bo tigɔ do kiteli ki'di Nyi Koto Laka abo 'ba akikali ziye 'do kiyandi ye kikalike bo Boko'ba laka.

¹⁸ Akikali 'be kedii ti kulöwö go kikalike wa ame ga bo komeri to'do mo ziye kpe ma bo kidëki ye

'deni ne. Kina gɔ kikalike yeyi laka abo ma 'do bo ki'di zi bilaka abo ga pili

¹⁹ gbɪ ti tigɔ do kiteli abo ame bo kokɔnyi ze ma di'dike doze gɔ lende abo 'deni timo ne.

²⁰ Ti tigɔ do kiteli abo nime na bo ki'di Kurisito kɛnyi kɔdo di mi tolɛ kari koloma do dori bo mitoro.

²¹ Kurisito na 'deni yayi ro nɛre mbiri do lobu ni ti bo tigɔ bo kɔzi kakpa ni 'ba mi doyayi ma le'jete nime gbɪ ti doyayi ma kedɪ kako nime 'de.

²² Romoyi Boko'ba i'di wa pili 'deni kedɪ beri bici kɔzi kakpa abo 'ba Kurisito. Kina ko'do bo 'deni ro nɛre 'ba do wa pili ro bo do bo meri abo ga.

²³ Kanisa na ro yida ro bo Kurisito kina bo odo de di yimo gbɪ kɔzo ame bo kɔzo de di mi a ma kɔzo moto ame ko'ba mi dolingo bine ne.

2

Didi Ti Kurisito

¹ Ma molo tonɛ bine kpe ngi ro toku gɔ ko'du 'ba kinza tuwo do Boko'ba kolomake za ro to'do lende kɛnyɛ.

² Kori 'ba a 'ba dolingo nime na za kosoke gomo tuwo do Satani, nɛre 'ba noki, ame bo na ro bo do ya ma kinza kuwo do Boko'ba de naga.

³ Demba ze nime pili gbɪ kɔzo lijɛ tara, dolomake eze ngi pa gɔ ako'doko 'ba dolingo nime to'do ako'doko 'ba yida roze ga ti ma domerike naga. Ze gbɪ kɔzo lijɛ tara, ya 'ba Boko'ba udodu ze 'deni kpaki.

⁴ Ne mi keyi abo 'ba Boko'ba ro do kiteli. Bo o'o ze 'deni kulowo.

⁵ Kina me ze pele ro töku go lende kinza tuwö do bo, bo ebe kididi ze 'deni 'böwu yaga ro ma la'ja ti Kurisito. Mi keyi abo 'ba Boko'ba na me komo ze 'deni.

⁶ Bo oja ze 'deni di mi tole kombi ze 'deni mitoro toloma yayi ro akoto ti Yesu Kurisito.

⁷ Bo o'do 'deni te 'do kileme a ma bo ko'do goze ti Yesu Kurisito 'do lobu 'ba mi keyi abo kinda ti yaga zi bilaka pili mi kada ma kedi kako naga nime 'de.

⁸ Romoyi ti mi keyi abo na me komo ye 'deni go ti'di doye go lende abo. Ako'do abo 'ba Boko'ba na,

⁹ tigo 'bi 'ba boto na de. Kina kinza ni moto kebi royi de timo.

¹⁰ Boko'ba na ko'ba ze 'deni ro ma la'ja. Bo i'di ze 'deni ro akoto ti Yesu Kurisito go do'doke lende laka ame bo kilejo 'deni molo ndo zize to'do mo ne.

Akoto Ti Kurisito

¹¹ Kpe ame ga molo koyo ye ro bo lowo, lije Yudayi bo kilele ni kedi kideki ye ro ya ma kinza kilele de naga. Tine akilele nima doleti na ka toke kpa 'bana 'ba ro yaga.

¹² Omerike ma tone keddike gba jbo ro ma kowo di ro Kurisito ne te. Inzake e'be ro kupo Yisarele. Kina lomu 'beni ma Boko'ba ko'do tinni 'do tamo lije di mi tole ne inza ziye, e'beni nge koto zinni yayi. Tone bine olomake e'be mi dolijo nime kinza Boko'ba gi kinza komo ki'di go yeyi mo.

13 Tine ame kpe 'deni rɔ akoto ti Kurisitö ne, kpe ma tönë pa ñbö rɔ ma kɔwɔ yaga ne roma Kurisitö o'de ye 'deni ñgi ñgosi 'de rɔ Boko'ba.

14 Bo na rɔ bɔ lata ze. Bo na me kodɔ'bɔ ze Yudayi 'deni le'jete rɔ akoto tiye kpe bɔ löwö. Reki löbu 'ba ndo'ji tönë mi löngö ze tiye ne inza kpe, bo urö 'deni bəri ti yida rɔ bo nime bo ki'di kupö ne.

15 Kö'du ki'di ma molo 'ba Yudayi mo tönë ga bo i'di 'deni yaga kinza kpe rɔ ɔto römöyü 'dɔ kodɔ'bɔ ye tize rɔ a la'ja. Kina me bo ko'dɔ lata 'deni gomo mi löngö ze.

16 Bo i'di 'deni kutöti bo dɔ ñgëri bo kölë 'dɔ kiyëyi kpa ndo'ji nime mi löngö ze ne yaga gɔ kodɔ'bɔ ze kpaki rɔ akoto zi Boko'ba.

17 Kina me bo Kurisitö mo tönë kako 'deni kuwöwö laja laka 'ba lata nime ziye kpe bɔ löwö ame gba ñbö rɔ ma kɔwɔ di rɔ Boko'ba ne kina gbï zize Yudayi mo ga ma ñgosi rɔ bo mo tönë ga.

18 Ti bo Kurisitö na me ki'di ze pili 'deni dëdi ti Nyi Koto Laka to'de ze zi Boko'ba 'bu.

19 Kina me 'deni inzake kpe rɔ bɔ löwö, kpe 'deni rɔ bɔ dɔ yayi gbï kɔzɔ 'beze ze bilaka 'ba Boko'ba.

20 Kpe 'deni rɔ dökü ma ko'ba rö 'ba Boko'ba timo, ame gbɔndɔ mo na rɔ bɔ laja ni ti bɔ kumë lende 'ba Boko'ba ne, tine Yësu Kurisitö na rɔ dökü ma dɔ kiteli 'ba gɔ dɔgali mo.

21 Bo na kogbɔ dökü ama ga 'deni pili tɔrɔ gbï rɔ ma koro zi Boko'ba.

22 Kina me kpe ame 'deni rɔ akoto ti bo ne o'ba ye 'deni gbï rɔ bi loma 'ba Nyi Koto Laka

'ba Boko'ba.

3

Pɔlo Ti Bɔ Löwö

¹ Kina me ma Pɔlo, ma koboso gɔ lende 'ba Yësu Kurisitö ma moto ziye kpe bɔ löwö, mumötu Boko'ba gɔye.

² Mikali 'deni laka uwöke yëyi ma Boko'ba ko'dɔ zö ki'di ma to'de mo ziye nima 'deni.

³ Bo Boko'ba na kileme akiteri abo ame rɔ ma kusu ne 'deni yaga zö. Mugu lende mo 'deni tönë molo bine mbowa ziye.

⁴ Dɔɔ kidekike ti ko'jake wa ma mikali di mi akiteri 'ba Boko'ba ame rɔ ma kusu zi Kurisitö to'dɔ mo ne ngi.

⁵ Molo mi kada 'ba 'bu ze löbu tönë ga bine bɔɔ ikali a ma te dë. Tine Boko'ba ileme 'deni le'jete yaga ti Nyi Kɔɔ Laka abo zi bɔ laja ni ti bɔ kumë lende abo ga ame bo kigeli 'deni ne.

⁶ A nime na me mi laja kɔɔ laka abo kpe bɔ löwö ni 'deni rɔ akɔɔ tize Yudayi mi Kurisitö Yësu rɔ 'ba Boko'ba to'ja kpa közi ma bo kose mo tönë gbï kɔɔ tize.

⁷ Mi këyi abo 'ba Boko'ba na me ki'di ma rɔ bɔ ndɔbɔ 'ba laja laka abo nime ti tigɔ abo.

⁸ Ma ame pele kulöwö wöti bëri di mi löngö bilaka abo ga ne bo o'dɔ mi këyi zö koja ma tuwöwö laja abo ziye kpe bɔ löwö. Kina gbï 'dɔ tileme yëyi löbu dɔ kiteli abo nime ziye.

⁹ Bo oja ma gbï 'dɔ ti'di bilaka pili kikali akiteri kusu abo tönë na tondo. Römöyi bo Boko'ba bɔ ko'ba wa pili 'ba doliɔɔ nime usu dɔ a nime 'deni molo tönë bine mi kada 'ba 'bu ze löbu ga

10 'dɔ kanisa na kileme 'jaa kɔzɔ a nime te tone zi malayika ame ga lijɛ na rɔ löbu mitorɔ ne, bo Bɔko'ba na rɔ 'bu 'ba akikali pili.

11 Bɔko'ba o'dɔ a nime 'deni gɔ akiteri abo ame molo di bi tisaki mo zi Yɛsu Kurisitö nɛre ze ne.

12 Kina me ze ma ze tiye mi ti'di dɔ gɔ lende 'ba Yɛsu Kurisitö gbɛ rɔ akɔtɔ ti bo ti ki'di ze rɔ dɔ ngölö tako kɔmɔ bo Bɔko'ba ti mi kɛddi.

13 Gɔ lende mo na me miya ziye, kinza kolo-make dɛ rɔ meri gɔ gomɔ nime mɛdi yimo bine gɔ lende 'be ne. Tine na 'dɔ koyoke rɔye gɔmo.

Akɔ'ɔ 'Ba Kurisitö

14 Gɔ kö'du mo na molɔdɔ bɛri kɔmɔ Bɔko'ba 'bu moma'jo rɔma zi bo.

15 Bo na rɔ 'bu ma kɔtɔ laka zi bilaka pili 'ba mi dɔliɲɔ nime kpaki ti malayika 'ba dɔyayi 'ba mitorɔ.

16 Moma'jo rɔma zi bo Bɔko'ba bo ko'dɔ yɛyi tɔ kpe dɔye ti Nyi Kɔtɔ Laka ti tigo mo ki'di mi kɛddi ziye

17 Kurisitö kö'bö ti nɛburu miye kpe ma ki'dike dɔye 'deni gɔ lende abo naga nime, akɔ'ɔ abo kidiyɛ rɔni ti kitigo miye

18 'dɔ kpe gbɛ pili ti bilaka abo ga 'ba Bɔko'ba kikalike gɔ löbu ti talo 'ba akɔ'ɔ 'ba Kurisitö nime gbɛ ti tigo dɔ kiteli mo.

19 Kina ɔdɔ kiya te kɛddike 'deni ti akɔ'ɔ nime bɔtɔ kikaliki dɛ 'doyi ne, loma 'be ti kɛdi nati kɔzɔ 'ba Bɔko'ba.

20-21 Akilɛlu ti rɔ löbu kɛdi zi bo Bɔko'ba nduwɛ rɔ nɛburunɛburu gɔ Yɛsu Kurisitö gbɛ ti kanisa abo. Römöyi Bɔko'ba bo i'di tigo abo

'deni ngi kulöwö zize to'do ndöbö müze kebe ma dititike ti ma dikalike naga.

4

Lende Laka

¹ Ma bö koboso ma 'deni go lende 'ba Kurisitö nere ze mo tönë, mëdi milende ziye, i'dike loma 'be këdi rö ma laka go ako'doko abo 'ba Böko'ba ame kidëki ye ne.

² Ni motö oto ë'bi döyi le bëri kiliya röyi kö'ö lëpi yi ga ti kömö kele mo pele ödo kö'do yi de laka.

³ Ogbö röyi toloma kinza ndo'ji mi löngö yi ti lëpi yi motö kinza mi kata römöyi kpe 'deni rö aköto mi Nyi Köto Laka.

⁴ Nyi Köto Laka nge köto kina ze 'deni rö yida rö köto gbï közo ame meri ze 'deni nge köto go wa ma Böko'ba kidëki ze teyi ne.

⁵ Nere ze mo nge köto, a ma di'dike döze gömo nge köto kina bapatisi ze gbï nge köto.

⁶ Böko'ba nge köto rö 'bu 'ba bilaka pili. Bo na rö nere 'ba dö wa pili bo na gbï müze kö'do ndöbö pili tize.

⁷ Tigö i'di röni 'deni rö 'beri'beri zize. Römöyi bo Kurisitö na rö bö ki'di kpa közi ma laka.

⁸ Eädi 'deni közo ma tönë kiya röni mi akugu te, "Bo ari nbö töro ti 'böki nbanj kina bo ki'di kpa közi ngi zi bilaka."

⁹ Tine 'jo 'ba lende 'ba tari nbö töro nima omba kina rö tako abo ame titi mi dolinjo bëri bine ne.

¹⁰ Kina bo Kurisitö köto mo tönë kako bëri bine ne bo na me gbï kari 'deni nbö gönyi poli töro 'do bo kote go bi pili ti yida rö bo.

11 Bo na me ki'di tigo zi ya mato ga tedi ro bo laja, mato ga ro bo kume lende, mato ga ro bo tuwowo laja laka, mato ga ro pasita tine mato ga ro bo komo kiyandi.

12-13 Bo o'do te 'do kiyija ze bilaka 'ba Boko'ba ndo ro akoto ti Yesu Kurisitö mi ndobo abo. Kina ti'di doze go lende kiya 'ba kole 'ba Boko'ba gbi ti tikali bo kodo'bo ze ti ro akoto tiye dandike mi tigo ma laka 'ba Kurisitö.

14 Kina odo keddi 'deni tara tine dinzake kpe ro kole titi 'do donjala 'ba akiyandi 'ba bo 'bolu ni kuyi kpeze ngi welo moko di go kori kozo sorope ma di zi piwu naga tara.

15 Tine donyoke go lende kodoro ti ako'o kina ti dedike ngi ro akoto ti Kurisitö ame bo na ro bo doze ne.

16 Ze pili ro kapa 'ba yida ro bo ga ame bo na konzo ze 'deni pili ro kotokoto kogbo ze mi leri 'ba yida ro bo. Kina yida ro bo ti kiyöbu ngi kogbo roni laka odo kiya te ze kapa mo naga nime dinda'bake ako'o laka ro go roze.

Loma Ma La'ja Ro 'Ba Boko'ba

17 Kina me mi'di ame ziye mi möyi nere ze Yesu Kurisitö, kinza kolomake de kpe to'do lende kozo 'ba ya ma kinza ro 'ba Boko'ba naga tara. Lije 'benni nima meri 'benni pili do oto mo inza kina gbi kinza akikali.

18 Lije ngi kinza didi 'ba Boko'ba minni romöyi lije ngi ro bilaka minyi ga kinza mbili. Lije bo kilagi akikali 'ba Boko'ba naga nima.

19 Lije odo minni ngi po kinza ro kaya go to'do dokomali lende kenye.

20 Lende 'ba Kurisütö mo ame kiyandi ye timo ne ëdi tara?

21 Mikali rö ma laka loma abo 'ba Yësu iya gomo 'deni ziye. Lende ma kodoro 'ba Boko'ba ame mo bo kileme zize ne iyandi ye 'deni timo.

22 Kina ti, olake go loma 'be ma molo tönë ga yaga. Römöyï bo bo ma molo nime ti ndörö abo ga ëdi koto ye mi tolë.

23 Meri 'ba döye ti dökï'di ye i'dike ti këdi yaga rö ma la'ja.

24 Döke mi loma ma la'ja ame rö 'ba Boko'ba rö ma koro koto laka rö ma kodoro ne.

25 Kina me ti, a mato rö beti kinza kpe. Ni mato lende ma kodoro na kiya zi lepï yi. Römöyï ze pili 'deni rö kapa 'ba yida rö Kurisütö.

26 Dö ni mato kënyï rö 'diri tine kinza kola 'diri 'bi nima dö koto yi mi lende kënyë. Kina kinza koloma dö gbï ti 'diri miyï nbö kada kösö domo.

27 Römöyï kinza ki'di bicï lende dö yaga röyï zi Satani.

28 Ni ame këddi rö bo 'bögo ola go 'bögo yaga kileki to'do ndobo 'bi ti köziyï 'do kokonyi bo lisa gbï timo.

29 Kinza kö'bö dö tumu kpëyï zi bilaka. Tine wa ame ga rö ma këyï rö 'ba tileno mi löngö bilaka ne na kiya go ki'di lende kiya 'bi kokonyi ya ame ga këdi kuwö ne.

30 Kina kinza ki'di Nyï Koto Laka 'ba Boko'ba dö këdi rö meri. Römöyï Nyï Koto Laka i'di 'deni ziye rö kinë 'ba 'do tope ye yaga mi kada mo yayi rö do ngölö rö 'ba Boko'ba.

³¹ Kinza ki'dike a mɔto ro mi kombi ala tiyeli ala 'diri ni ti ti'ja de kpe kedı mi lɔngö ye. A mɔto ro ndo'ji kinza kpe.

³² Tine olomake ti mi këyi to'do lende laka zi lepı ye ga. Kina 'do kolake lepı ye ga gbı go lende kënyë kɔzo ame Boko'ba ki'di Kurisitö 'deni dolıno bine tola ye go lende kënyë ne.

5

Loma Mi Bi Kɔzo

¹ Kpe ame 'deni ro kole 'ba Boko'ba bo kɔ'o ye 'deni kulöwö ne, inda'bake loma abo nima.

² O'dake wa pili ti akɔ'o kɔzo 'ba Kurisitö ame kɔ'o ze ki'di didi bo goze kɔzo akumu ame konma zi Boko'ba 'do tato kele mo këyëyi dökı'di bo ne.

³ Kpe 'deni ro 'ba Boko'ba, tine kinza ki'dike ama kɔzo yerı ni ti a pili ma ro ti'da naga 'doyi ti mi kombi ni kidëki möyi mo de kpe mi lɔngö ye.

⁴ Kinza kiyake lende do rumö ti a ame ga ro ti'da ne de kpe römöyi lende mo o'de ye kpe ame ga ro bilaka 'ba Boko'ba ne de kpe. Tine yë'di na 'do kö'böke ti'di mo zi Boko'ba.

⁵ Ro ma laka miya ziye tikali mo, bo yerı ni ti lijë bo to'do wa 'doyi ma ro ti'da naga nima ti mi kombi ni inza ti go bi koto te mi nere löbu 'ba Kurisitö ni ame ti Boko'ba ne. Römöyi mi kombi nima toro akoro na.

⁶ Kinza ki'dike boto ku'bölu ye de ti wa naga nime. Römöyi go lende mo ya 'ba Boko'ba edi kako do kole kinza koro lende abo.

⁷ Kina kinza ni mɔto kodo'bo röyi de tinni.

⁸ Römöyî molo nime kpe 'deni mi bi kôlu. Tine le'jete kpe 'deni ro 'ba Kurisîtö ro bi kôro zi bilaka. Kina olomake ti kôzo kole 'ba bi kôro tara.

⁹ Römöyî bi kôro na kedi koja 'beni ro lende laka ni ti lende ma kodoro 'ba Boko'ba

¹⁰ Wa ame Boko'ba ko'doko ziyi moto 'do ko'do ne ongo te.

¹¹ Kinza kodobö royi de kpe ti akodoko 'ba bi kôlu, lende kinza domo kodo de 'benni naga nima. Tine oja lijê yaga mi bi kôro.

¹² Wa ma laki kedi ko'do ro kusu mo naga nima tiya mo yaga aga za kpa bilaka.

¹³ Tine a ame yaga mi bi kôro na kina laka mo kinda.

¹⁴ Wa ame kileme yaga ne bo na 'deni ro bi kôro. Kina me 'do ki'di kiya te, "Ni bo tö'dö nime, indini yaga. Odo yaga di mi tolê. Kina Kurisîtö ti koyi bi döyi."

¹⁵ Kina ti, i'dike komoye kandi laka go loma 'be. Kinza koloböke de ngi ro ndako tine olomake kozo bo lende kikali.

¹⁶ Wa ame koja göni 'deni ziyi moto inda'ba ndimo laka römöyî doyayi le'jete ele de kpe.

¹⁷ Kinza kolomake de ro rumö, ongoke a ma Boko'ba ko'doko ziye to'do mo.

¹⁸ Kinza kö'böke de ngi tupö roye ti layi ame bo 'ba bo ngi ro tirasi ye yaga ne. Tine Nyi Koto Laka na 'do ki'dike koso lo miye.

¹⁹ Odo kiya te kotonjike doye 'deni nima ngala ti akilêlu ame ro 'ba Nyi Koto Laka ne na kobake, kilêluke nere Boko'ba ti mi koto,

²⁰ ö'böke tileki yee'di 'ba wa pili zi Boko'ba 'bu ti möyi Yesu Kurisîtö nere ze.

'Ja Ni Ti Më'dë

²¹ I'dike rɔye ti tuwö dɔ lëpī ye ga toro Kurīsītö.

²² Kpe 'ja, uwöke dɔ më'dë ye ga kɔzɔ Kurīsītö tara.

²³ Römöyī më'dë bo na ti közī kakpa dɔ 'ja abo gbī kɔzɔ 'ba Kurīsītö ame kēdī ti közī kakpa dɔ kanisa ne. Kurīsītö na rɔ dɔze, ze 'deni rɔ yida rɔ bo römöyī bo na kɔmɔ ze 'deni di mī tölē.

²⁴ Kina ti kpe 'ja ni uwöke dɔ më'dë ye ga laka mī wa pili kɔzɔ ame kanisa kuwö dɔ Kurīsītö laka ne tara.

²⁵ Kina ti kpe më'dë, ɔ'ɔke 'ja 'be ga ti kɔzɔ 'ba Kurīsītö ame kɔ'ɔ kanisa ne. Bo ilaŋa dīdī bo 'deni gɔ lende ze kanisa abo ga

²⁶ 'dɔ ti'di ze rɔ 'ba bo. Bo i'di lende abo 'deni zize kurögö ze kɔpɔ ti mini 'ba bapatisi

²⁷ 'dɔ ko'de ze kanisa abo zi bo rɔ ma kele kɔzɔ 'ja la'ja rɔmo mboloro kinza tirigbili mɔtɔ dɔ 'bana 'ba rɔmo, tine ŋgī lipo kɔtɔ laka kinza lende kënyë ɔtɔ.

²⁸ Kpe më'dë, nī mɔtɔ ɔ'ɔ 'ja 'bī kɔzɔ yida røyī. Nī ame kɔ'ɔ 'ja 'bī 'deni, gbagba yī na ma 'deni gbī kɔ'ɔ.

²⁹ Bɔtɔ mɔtɔ ame ŋgī ko'ji yida rönī ne na rɔ yë? Nī mɔtɔ yida røyī ö'bö tulu mo konɔgɔ gɔmo laka gbī kɔzɔ 'ba Kurīsītö ame kēdī konɔgɔ gɔ kanisa abo ne.

³⁰ Römöyī ze na 'deni rɔ kapa 'ba yida rɔ bo ga.

³¹ Kɔzɔ ame kugu mī buku 'ba Bɔko'ba ne, iya te, “Gɔ kö'du mo na bɔtɔni ti kolɔlɔ di yɔki 'bu bo ni ti ma bo kari kodɔ'bo rɔ bo ti 'ja abo kina lijë kpaki riyö 'deni rɔ akɔtɔ.”

³² Lende löbu nime 'jo mo ma moŋgo bine mɔto ma ro ma kusu mo tönë kileme 'deni yaga ne ëdi kiya rönï zi Kurisütö ti kanisa abo.

³³ Tine mɔto mo ëdi kiya rönï ziye ti 'ja 'be ga 'do kpe më'dë ni pili, nï mɔto kɔ'ɔ 'ja 'bï kɔzo yida röyï kina kpe 'ja pili gbï tara, nï mɔto koro më'dë yï.

6

Kole Ni Ti 'Bu Nnï Ga

¹ Kpe kole titi, ame kpe 'deni ro akoto ti Kurisütö ne, ndobo ma laka ro do kiteli ziye na me. Ni mɔto uwö do 'bu yï ni ti möyï.

² Boko'ba ose 'deni molo tönë bine iya te, “Oro 'bu yï ni ti möyï.” Di mi kö'du ki'di abo ga pili ame na dogba bo kulömu gomo teyi kiya te,

³ “Do a ma laka na kurë döyï ti yeyï mo koloma göyï kowo mi doyyayi bine.”

⁴ Kina ti, kpe bo kole ni kinza ko'doke lijë de ro ma kënyë ki'di minni kata roye. Tine uluke lijë laka mi akiyandi 'ba Kurisütö njeze ze ki'dike komo kandi mo zinni.

Atöli Ni Ti Bɔ Dönni Ga

⁵ Kpe atöli ni, oroke bo doye ga ti tikere ti ro kilë'di kuwöke dönni ti mi koto kozo ma kuwöke do Kurisütö.

⁶ Kina kinza kebeke de nje to'do mo do lijë kedï tiye tongo goye 'do tu'bölu kömönni. Ama ele de. Ma laka mo ziye tuwö dönni nburu römöyï ako'doko 'ba Boko'ba na kina kpe 'deni gbï ro atöli 'ba Kurisütö ga.

⁷ Kina ti, o'do ndobo 'ba atoli 'bi nima ro do ro konmi kozo eddi ko'do zi Kurisitö, tine inza zi bilaka lesi.

⁸ Ikali 'deni bo na ro bo ti'di kpa közi zi bilaka pili ro buru, atoli kpaki ti ma kinza ro atoli go ndobo laka 'bi 'ba moto.

⁹ Kpe bo do atoli ni, o'doke lijë gbï laka tara kinza kpa kose. Ikalike 'deni nere edi nge koto mitoro ame bo na mbiri do atoli ni gbï do bo domo ga ne. Bo o'do 'ba bo geli de mi longo mo.

Jama 'Ba Ya 'Ba Boko'ba

¹⁰ Lende ma ro nburunburu mo ziye na me nati, kpe ame ga 'deni ro akoto ti Kurisitö ne i'dike tigo do kiteli abo kogbo ye kitigo.

¹¹ Inda'bake jama 'ba ya 'ba Boko'ba ame ki'di 'deni ziye ne teyi kitigo titata roye timo di zi dongala kenyë 'ba Satani.

¹² Ya ma 'beze nime dinza do'doke ti bilaka lesi tine ti malayika kenyë 'ba Satani ga ame lijë na 'deni ti közi kakpa do bilaka 'ba bi kolu nime pili ne.

¹³ Kina ti, inda'bake jama 'ba ya 'ba Boko'ba ti ndo tiye le'jete romöyi 'do odo kada kenyë mo nima komo 'deni dayi 'do kogboke roye timo kinza kirijake ra di zinni bo ya 'be mo naga nima tine di potö mo pele koroke nburu kitigo.

¹⁴ Udöduke lende kodoro 'ba Boko'ba 'bombö ye ro gasi. Oloke lende laka 'ba Boko'ba roye 'do kitata kpa dongo'do ye di zi komo 'ba bo ya.

¹⁵ Usuke laja laka 'ba lende keyi 'ba Boko'ba ro wari ndiye togbo roye timo.

16 Ombike ti'di dɔ ɔ lende 'ba Kurisitö nduwë tiye rɔ makëti tikëti kpa pa'do 'ba kɔmo 'ba Satani timo yaga di rɔye.

17 Akɔmɔ abo 'ba Boko'ba nime bo ko'dɔ zize di mi tölë ne na 'dɔ kinda'bake teyi titata dɔye timo. Lende 'ba Boko'ba ame Nyi Kɔtɔ Laka kuwöwö 'deni ne na 'dɔ kogbake rɔ mbele ziye.

18 Tine mi ya nime ö'böke ti mötu. Ititike bo Boko'ba ɔ bo kokɔnyi ye. Mi wa pili ogbake rɔye ti mötu kɔzɔ ma Nyi Kɔtɔ Laka ki'di ziye. Umötuke gbï nduwë ɔ bilaka 'ba Boko'ba ga.

19 Kina umötuke gbï ɔma 'dɔ bo ki'di lende kikali zö ɔdɔ kada 'ba lende ma kômö 'dɔ miya laja laka abo rɔ dɔ kitëwu zi ya ame ga mɔlo kikali dë ne.

20 Ma pele ti zingiri nime ndö mi maboso bine ma gba tuwöwö laja laka nime. Kina umötuke ɔmo 'dɔ Boko'ba ki'di ma tiya laja abo nime rɔ dɔ kitëwu kɔzɔ ma bo ko'dɔkɔ zö.

Akumötö

21 Tukikö, löndö ma dɔ'ɔ kulöwö bɔ kinda'ba ndɔbɔ 'ba Kurisitö laka nime ti kiya ɔ a ma ko'dɔ rönï zö pili 'jaa ziye 'dɔ kikalike gbï mëdi tondo.

22 Mëdi moja bo 'dɔ tari ti lende ma 'beze bine pili tiyëti mo ziye yayi ɔ dökï'di ye këyi.

23 Ee, Boko'ba 'bu ti Yësu Kurisitö nere ze ki'di ye kpe löndö ama ga yayi ne kö'böke ti'di dɔye ɔ lende abo ti akɔ'ɔ ti mi këyi.

24 Lende këyi 'ba Boko'ba këdi tinnï lijë ame ga pili ti akɔ'ɔ ma nburunburu 'ba Yësu Kurisitö nere ze ne.

Jur Mödö
Jur Modo: Ndose Kodo Laka, Buku 'ba Tisaki ni Tодо
to Lömu La'ja 'Ba Yösu Kurisito Nere Ze New
Testament+

copyright © 1998 Wycliffe Bible Translators, Inc.

Language: Jur Mödö

Contributor: Wycliffe Bible Translators, Inc.

All rights reserved.

2025-04-26

PDF generated using Haiola and XeLaTeX on 25 Apr 2025 from source
files dated 26 Apr 2025

4cdbc69b-5207-55d8-8df2-e743cba8dc07